

Cracov. Junior. Univ. Jaz.

Promotiones Ord. Prator.

1648 29 Aprilis



1195

L.

Mag. Si. Dr.

P

Frederici et Matthiae Casim: Zodiacus aca-
demicus in coelo Cracoviana.

Biblioteka Jagiellońska



stdr0002068

36

ZODIACVS
ACADEMICVS
I N

CÆLO CRACOVIANO,

Duodecim Signis,

Hoc est,

Duodecim Viris secunda Laurea Licentiat

Conspicius;

Assistente sibi

Motore & Promotore

Excellentissimo ac Doctissimo Domino,

D. M. MARTINO SŁONKOWICZ,

COLLEGA MAIORE,

Per me

Decimum tertium huius Zodiaci igniculum

MATTHIAM CASIMIRVM TRETERVM

Repræsentatus,

Anno Domini 1648. 29. Aprilis.

IN STEMMA
Vrbis Metropolitanæ Cracouiensis.



Pande CRACI sedes totas in Stemmata Portas
Hospes cum Doctâ Pallade FAMA venit.



CLARISSIMIS, AMPLISSIMIS,
A C
MAGNIFICIS DOMINIS,
D. PROCONSVLI,
CONSVLIBVS,
TOTIQUE SENATVI
Amplissimæ Urbis CRACOVIENSIS Me-
tropoleos Regni Polonici.

Dominis suis fauentissimis, felicitatem.



*D*uos potissimum pauca hac Laureatarum
frontium spectabant folia, ad quos ipsi Laureatarū
mentium pertinent & Flores & Fructus, CON S:
A M P L: In toto videlicet Campi Sarmatici limite,
nullus alius aequè ferax ager est, qui tam felicem
Laurorum fundat prouentū; Et ubertatis hac quidē Urbis Vestra ta-
met si non quotannis suam exoluat fidem, ac biennem deniq; post decur-
sum fortunatam hunc Magistrantium Laurorum excludat partū, non
ideò tamen tarditate minuit suauitatem; iam enim inolitus iste
ad magna tendentibus ritus est, lentescere: odere celeritatem quos
gloria medio labore, destinat ad Æternitatem: Nullam aliam ar-
borem Palladi aequè in odio esse scio, atq; eam cuius fructus citò pro-
tuberant; cautiorem nempe illam reddidit primus mortalitatis Pa-
rens, qui omnem boni & mali, in uno pomo deuorare aggressus
scientiam,

*scientiam, ad tam celerem Vtriusq; Sapientie Doctoratum Insignia
 non ab aliqua annosa arbore sed ficulnea petijt, quæ uti ad quem-
 uis teporem, facile in folia gemmascit, ita ad quemuis flatum fa-
 cilius concidit; Abscedant ex Academico Parnassò præcoces Ficus,
 Laurorum hîc locus est, quæ suis exacte spatijs tardos quidem,
 sed æternaturos ferunt fructus. Has Laureos Vestra hodie in Vr-
 be, ad felicitis Istula profusua pubescentes, Vobis fero CONSULES
 AMPLISSIMI. par enim videbatur, ut in quorum creuere Do-
 minio, in eorundem deponerentur patrocinio. Vester hic vestraq;
 Urbis quemcunq; nunc initiat Academia, inscribit penna, Fatus est, &
 omnes ista quas fero Lauri, aut generatione aut adoptione Craconi-
 ensem meruere incolatum: ac Indigenis quidem, quas felicior for-
 tuna, huic statim insertas terre in eam usq; elactauit accessit
 maiestatem, prima meritò debetur reuerentiæ: Nos verò reli-
 quæ stirpes, quas peregrino Solo implantatas enutriti sapientia,
 doteq; Genitalis terræ impertiunt, sequimur hæredes illas, & in
 Vestra venimus obsequia, per quorum adoleuimus subsidia. At
 Tu Fortunata Vrbs, quæ syluescentes in alijs Polonia Campis, ani-
 matas arbores, in Tuo benignius effoues agro, Academicoq; irro-
 ratas fluento, mirabili metamorphosi, transmutas in Laureos, utere
 his ipsis Lauris ad triumphalem capitis decorem; ordireq; felix
 Trophæum, non de Numidiscum Scipione, non de Macedonibus cum
 Emilio, non de fugaci Partho cum Pompeio, sed quod laboriosissi-
 mum Victoria genus est, de tot Liberis, ipsaq; libertate innutritis,
 quæ sub Academica concurrunt sceptræ ingenijs. Feliciorem nemo
 triumphum duxit, quàm qui animos ereptos turpissimæ ignorantie
 seruituti sub Palladis iugum misit. Ego verò Tibi ac Tuo summo Magi-
 stratui de his ipsis Laureatis Fronibus triumphaturo, ad primas ob-
 sequiorum ruo prædas, hancq; ipsam quam apud Te capio Tibi inser-
 uitia repono secundam Lauream.*

Æternus Cliens

Matthias Casimirus Treterus,
 Eiuldem Laureæ Licent.



VRBS CRACOVIA,

Cælum Orbis Polonici,

*In quo, Iupiter ille cui Gentilitia Sarmatia Aquila
ab Armis Gentilitijs est, sedem habet.*

QVO Te Sarmaticæ Regina CRACOVIA Gentis
Prosequar elogio? quales Tibi cernua fundet
Penna modos? Lechos quæ prætergressa Triones,
Istuleæ foelix sedisti margine ripæ,
Regalemque Tuo gremio complexa VAVELVM
Toti sceptrigeris Regno præcellis habenis.
Non Tibi, Troianæ mendax Faber Urbis Apollo,
Fraudeque conductus iecit fundamina Nereus,
Fata Tuos posuere Lares; Honor egit aratrum,
Cum primos ducto signaret vomere muros,
Atque urbem postquam sulcus descripsit, in omne
Segmen, cælestem stillavit FAMA liquorem.
Inde loco stabili felicia secula passu
Proueniunt, nulloque Tuas Fortuna rotatu
Interuertit opes; Stas omni innoxia fato
Hactenus, & Vetulos æuum producis in Annos,
Ac ni me deludit Amor traxisse videris
Ætheream, ex illo FAME libamine mentem,
Et quidam Æterni Genius per mœnia sparsus

A

Est

Est Tua, qui cunctos Fatorum supprimit ictus,
Nec finit inuisæ Te frangi turbine sortis.
Cresce diu foelix Sedes, Orbisque Poloni
Magne Polus (tali meritò Te nomine dicit
Musa, Tui radijs, nimium perstricta decoris)
In Te Sarmatici supremus Iuppiter Orbis
Perpetuas posuit Sedes, Regaleque fulmen,
Quo paruos cohibere Deos, & iussa superbis
Ferre solet populis, CRACIA seruauit in Arce.
Hic quoque natiuis quem præfert LECCHIA Ceris
Fulminis, & superi terroris Portitor Ales
Non alibi melius candentes explicat alas.
Cætera quis tanti præsumat sidera cæli
Ad tenues reuocare modos? numerisque ligare
Vilibus? immensos iam pridem Gloria fastos
Æternis ducit calamis, vbi nomina tantum,
Diuorum Indigetum CRACII concinnat Olympi.
At nobis habili sacra ad Parnassia plebi
Sufficit, imbelles liceat quod pangere versus,
Atque Tuis tenuem meritis intingere pennam.

Alma Mater ACADEMIA Zodiacus,

Per quem omnium Planetarum est Via.

TE verò CRACII dignissima portio cæli
Et grande Lechiæ decus ACADEMIA
Quæ Iouis illius fæto, de vertice natam
Pallada nutritio, educas felix sinu,

Quod

Quod carmen, dignâ poterit comprehendere laude

Quæ Musa, meritis prosequetur laureis

Tu veluti baltheus, discinctum qui ligat orbem,

Et illa Mundi superioris fascia

Nectis Sarmaticas, sapienti compede Mentis,

Vincisq̃ue studijs dissolutas Indoles.

Quâ sine, Hyperborei compago tota Trionis,

Vt astra rupto laberentur baltheo.

O superum donum ! ô Lechæi cingule Mundi !

O Parrhasiacæ tænia illustris plagæ !

Tu nisi naturam frenes, multâ arte Polonam,

Distracta magnas in breui rimas aget.

Sed benè casuram sustentas vndique molem,

Omnesque proprio cardine coerces polos.

Per Te, cuncta suos traducunt fidera currus,

Errone si quæ digredi nolunt Viâ.

Per Te, Phæbus agit crinitos igne iugales,

Et commodatâ candicans soror face.

Quisquis & in toto est Versatilis Orbe Planeta,

Hoc limite suum, prosequi gestit iter ;

Nam trames nusquam nitidis patet aptior Astris,

Et densus alias obsidet hiatus plagas,

Quas, qui præcipiti tentant decurrere passu,

Facile caduci, lubrico nutant pede

Et Phaetontæas coguntur ferre ruinas,

Paterna, quando deferunt vestigia.

Ergo constantis, quos vrit culmen, Honoris

Huc frena totis applicate nisibus.

Hoc calle, ad summas rectâ decurritur artes,
Hoc iter, in ipsas deuehit F A M Æ domos.

Excellentissimo ac Doctissimo Domino,

D. M. MARTINO SŁONKOWICZ, Col: Mai.

*Promotori dignissimo, tanquam Intelligentiæ Motri-
ci, quæ secundum Philosophos calis ad-
stat, Gratia.*

IMus signiferæ, qua via tæniæ
Tyrones animas, prouocat ad nouum,
Cælorum stadium; Tu modo Athlanticos
Supponas humeros, Palladij facer
Motor Zodiaci; Nosque rudes viæ
Stellas, Æthereis insere sedibus,
Et cum per superas ibimus orbitas
Fessis propitiam, subijce dexteram,
Ne Misti, medijs prodigijs Poli
Nutemus trepido, succidui pede.
O nostræ ratio tota Puertiæ,
Qui de plebeio sepositos grege,
Transfers ad Clariæ castra scientiæ,
Supporta stationi, indociles nouæ,
Ne vertigo suo nos quatiat gradu.
In Te, præcipiti deflua pondere
Spes, sese reliqui credidit agminis,
Et secura sui nomine præducis,

Calcem

Calcem ad difficiles applicuit vias.
At Tu Palladium dirige in Æthera,
Motorisq; replens munera spiritus,
Informa trepidos, ne titubent, pedes;
Et permitte sacras prendere Laureas.
Imus non dubio, Turba celer gradu,
Et Te, quò faciles cunque Vocas sequi,
Mox in diuiduo consilimus pede.

*Duodecim signa Zodiaci, XII. Viris secunda
Laurea Licentiatis pro symbo-
lis data.*

- I. ARIES. *Primum Cælestis balthei signum, symboli loco
cedat, à quo Cæli annus, Sol cursum, Terra Ver in-
choat. Cum Epigraphè.*

Spes in herba.

V.D. SEBASTIANO OBELSKI.

QValiter canæ refluunt pruinae
Inque liquentes, abit omnis vnda
Bruma, cum celsis ARIES reuexit
Vellera cælis.

Qualiter primo tepefacta Phæbo
Prata iucundas fruticant in herbas
Terraque in fætus patet, ac secundum
Exerit Vber.

Sic Tibi doctis, vbi Te Camænis
Applicas, tabet rigidum superbi
Flamen erroris, refugumque cæcas
Cedit in Vmbras.
Tuque sub doctæ face Veritatis,
In pias Musarum adolescens herbas,
Quæ modò cingunt, Tua destinatis
Tempora fertis.

II. TAVRVS. *Signum Solo æque ac Polo utile, cum illi
ad Aras, hinc ad aratrum obsequium pendat, apposi-
tâ Epigraphe.*

In vtrumque paratus.

V.D. IOSEPHO BELZA, Crac.

Non ille mæsto quisquis Agenori,
Vexit stupratam, transfreta filiam;
Minoiam nec qui nefando
Pasiphaen temeravit ausu
Bos in supernis emicat axibus.
Sed quem per acres, assiduus labor
Lassauit æstus, atque sacris
Cælituum dedit ensis Aris.
En vt repandas explicat obuius
Tibi Æther vlnas, & patulis hiat
IOSEPH E rimis, qui per altos
Ædificas genium labores;

Nimi-

Nimirum inertes sidera respuunt,
Et ille tantum repperit hospitos
In Astra postes, quem sine vllâ
Motus agit Policus quiete.

III. GEMINI. *Castor & Polux, qui post Colchicam
cum Iasone navigationem defuncti varijs periculis,
calos ex antiquitatis sensu meruere; quibus tale sit
Lemma,*

Hic terminus esto.

V.D. BENEDICTO IVGOWIC Crac:

ANtequam celsos stetit inter Orbes
Flamma Ledaï Paris, & Polarem,
Combibit lucem, prius acta multos
Pertulit æstus.

Patrijs primùm procul exul oris
Colchicas remis adiit nouales,
Perque, tot fluctus, iter ad supernos
Quæsiit axes.

Et Tibi doctæ BENEDICTE Lauri,
Non statim indignam cecidere frontem,
Perluit sudor Tua sæpè nauis
Tempora guttis.

At modò felix caput obsecundis
Impedi ramis, vbi cymba longos
Exsecans fluctus, tetigit cupitâ
Littora prorâ.

IV. CAN-

IV. CANCER. *Solstitio Æstiuo dicatum sidus, quod, quia
retro Solem altius ire uolentem cedere cogit, habeat
Epigraphen.*

Etiam retrogradus progredior.

V.D. ANDRÆ PAWLIKOWIC, Crac.

Quemcunq̃ue foelix succutiet sitis
Transire in Almæ castra Scientiæ,
Doctræque deuotum Mineruæ,
Ad celebres dare nomen artes.
Hic irremisso, quos iniet semel
Discat labores, texere pollice,
Nec pectus ad licentiosæ
Desidiem retrahat voluptæ.
Hac arte, grandes prendis adoreas,
Hac, Laureatum PAWLIKOWIC capis
Mentis decorem, sponte currunt
In meritam sua ferta frontem.
Nempe obsoleto transfuga ab otio,
Totos labori sic dederas dies,
Vt inquires, ipsâ in quiete
Pieridas sequerêre Musas.

V. LEO. *Calidissimum animal, & Rex Ferarum, cuius
hac perhibetur esse natura, ut etiam dormiendo
apertos gerat oculos, cui sit Epigraphæ.*

Nec

Nec somnus sine cura.

V.D. MATTHIA KOCZANKOWIC.

Nemo sic totam studijs Mineruæ
Auocet mentem, vacet vt feuro
Prossa sub claustro, nimiumque ducat
Oblita callum.

Quem sacer flagranti Helicon amore
Vſit, infomnes vigilare noctes,
Et renaſcenti ſimul audet impal-
leſcere Lunæ

Hic Tuos longo memorare poſſem,
Ore conatus, noue Laureatæ
Palladis Miſtes, ſolidasque mentis
Promere dotes.

Vt Tibi Magni ſocio Cleantis
Sæpe tralecti cecidère ſomni
Sed Tuam ducent meliore laudem,
Sæcula pennâ.

VI. VIRGO. *Deuotum doctis ſidus : Nam & Pallas
Virgo, & Laurus ingeniorum premiatrix, ex Vir-
gine Daphne, integritatis ſuæ nimis tenace, ſi fabulis
credimus, eſt. Habeat itaque Lemma*

Procul eſte prophani.

V.D. STANISLAO KWIECISZ.

FRuſta tenaces exeritis manus,

B

Et

Et obstinato prenditis halitu,
 Ignaua plebes, defacratas
 Emeritis animis coronas.
 Fugit vel ipsum Laurus Apollinem,
 Daphnen procaci cum premeret pede,
 Procus minus pudens: honestas
 Credite, frons amat ista frontes.
 At Tu decorum subijce Verticem,
 Dignâque Vittas suscipe dexterâ
 Quas Virgo Virtus, ex Honoris
 Fert Tibi STANESILAERAMIS.
 Hæc æuiterni pignora nominis,
 Hæc ferta Olympi prodroma splendori,
 Impendio emisti sagacis
 Ingenij, Vigilisque curæ.

VII. LIBRA. *Æquinoctio Autumnali dicatum sidus,
 quod Solis cursum nocte ac die aequatis dimetitur,
 Symbolum fuit Aloysij Carafa Episc: Tricaricen:
 cum Lemmate,*

Consistam in Æquo.

V.D. LAURENTIO KOLOWROCKI.

MAGnus humanas tenet ille mentes
 Error, incerto quia sæpe passu
 Deuiæ, cæcæ furiosa laxant
 Frena luuentæ.
 Rarus ad pulchram, sua facta Recti

Exigit limam, veterisque more
Herculis, firmo stadium laboris
Traiecit ausu.

Gratulor tantam Tibi iure laudem,
Magne LAURENTI, quod euntis æui
Tramitem nulla temeras licentis
Labe nefandi.

Sic Tibi cuncti sinuantur anni,
Pulcher ut quodvis Honor atque Virtus
Emicet passu; medio libratus
Degis in æquo.

VIII. SCORPIVS. *Venenata bestia, sed quæ non nisi
de prope nocet, gestata enim dum lambit linguâ, ferit
caudâ; addo illi Epigraphen.*

Nemo me tangat.

V. D. MARTINO KIELINSKI.

ABscede vecors liuor, & inuidi
Dentata Momï lingua, nec arduas
Incesse Musas, est & ipsi
Quo feriat iaculum Mineruæ.
Non sic inermes destituit parens
Natura Musas, quæ minimis quoque
Confert acinaces echinis,
Atque apibus sua tela paruis.
Noli malignas inuidiæ minas

Meticuloso prendere pectore
MARTINE: Totus iste retro
In Dominos regeretur ictus.
Impune nemo Palladias ciet
In bella mentes, quas Dea Gorgonis
Tutatur obiectu, ac edaces,
In lapides, iubet ire linguas.

IX. SAGITTARIUS. *Intento nervo tela ad scopum colli-*
mans cum Epigraphe,

Nostra non aberrant.

V.D. IOANNI CELESTA, Crac.

QVotquot istius statione mundi
Degimus, Vitam profitemur omnes
Militem, & plenis sequimur profana
Bella sagittis.
Nec scopus quisquam datur inquietum
Certus, ad iactum; noua vota vanis
Figimus telis, varieque pronos
Tendimus arcus.
At Tibi nusquam titubare casto
Missa de nervo, didicit sagitta,
Semper incertam iacis expedita
Spicula, metam.
Perge doctarum iaculator artium,
Castra pugnacis sequitor Mineræ

Inque

Inque longævam pharetræ omne pondus
Exere Famam.

X. CAPRICORNVS. *Felicissimum signum, quod Augusto Cesari Imperium, pariterque Cosmo Mediceo nascenti Magnum Etruria Principatum, portendit, qui etiam, sidus hoc pro symbolo pinxit cum cornu copia & remo adscribens,*

Fidem fati Virtute sequemur.

V. D. GREGORIO HOFFNER.

SI cui benignum sidus ad hospitos
Alluxit ortus, Parcaque mitior
Promiscuas exosa fusos,
Filo animam meliore neuit.
Non ille fatis oppositus suis,
Cor infideli distrahat otio;
Sed sortis hæres nauus, æquet
Magnanimis lucra tanta gestis.
Sat liberali cæca Tiche manu
Tuam GREGORI finxerat indolem;
Magnasque dotes, in capacis
Transdiderat penetrale cordis.
At Tu beato concolor ætheri
Nil à fauenti degeneras Dea,
Sed dona vincens fortis, altâ
Exuperas Tua fata, mente.

XI. AQUARIUS. *Signum pluuium, quod benignos im-
bres affatim terra communicans Docentium est
Symbolum,*

Aliquando refundam.

V.D. STANISLAO ZEŁECHOWSKI.

QVæ super celso, tumet vnda cælo
Et per occultos titubat meatus.
Non diu moto cadet in supinas
Obice valles.

Non sibi tantos alit Æther Amnes,
Nec coquit clarum sitis vlla Phæbum,
Cum bibit fontes; sed auet anhelas
Pascere terras.

Haftenus doctæ latices Mineruæ
Hauferas illo ZEŁECHOWSKI ab Amne
Quem feri quondam soleata Pegasi-----
-----Vngula duxit.

Restat vt potas Heliconis vndas
Impluens Terris, modò laureatam,
Eliques pennam, atque rudi propines
Dogmata vulgo.

XII. PISCES. *Obtaciturnitatem Pythagoreis in Venera-
tione quondam habiti & omnibus vera sapientiæ
alumnis symboli loco habendi, cum Epigraphæ,*

Silemus

*im-
est*

Silemus ne fileamus.

V.D. MATTHIÆ CASIMIRO
PIOTRASZKIEWICZ.

I.

Nil tam seuro, Thespiades Deæ
Odere vultu, quam temerarias
Si laxet ora per loquelas
 Parciloquæ famulus Mineruæ.
Illæ & dicacem Pieridum chorum,
Ob fastuosum carminis ambitum,
 Iussere strictiore linguâ
 In tenues redigi volucres
OTe Beatum! qui meritâ vagam,
Linguam coerces sepe silentij,
 Olimque proferenda strictâ
 Dictâ libras CASIMIRE lance.
Hinc illa pleno profluio salit
Suadæ venustas, quam Taciturnitas
 Scientiæ fœcunda mater
 Perpetuo Tibi fundit Amne.





Page 117.



